

Naqqiut

(7/3 2023-mi saqqummiussitutip kalaallisua naqqinneqarpoq, tamatumani peqqinnissaqarfinnut immikkut ittumik ikiorsiissutissat pillugit immikkoortoq amigaataasimammat)

2022-mut Ilassutissatut aningaasaliissutininut Inatsisissatut siunnersuut

(Aningaasaqarnermut Naligiissitaanermullu Naalakkersuisoq)

Saqqummiussissut

(Aningaasaqarnermut Naligiissitaanermullu Naalakkersuisoq)

Siullermeerneqarnera

Matumuuna Naalakkersuisut sinnerlugit 2022-mut Ilassutissatut aningaasaliissutininut Inatsisissatut Siunnersuut saqqummiutissavara. Inatsimmi atuuttumi atuarneqarsinnaavoq Aningaasaqarnermut Akileraartarnermullu Ataatsimiititaliamit akuersissutigineqartut ukiumoortumik ilassutissatut aningaasaliissutissanut inatsimmi ataatsimoortinneqassasut. Taakkulu ukiumi aningaasanut inatsiseqarfiusumi tulliuttumi Inatsisartut upernaakkut ataatsimiinneranni oqaluuserineqassapput.

2022-mut Ilassutitut Aningaasaliissutininut inatsisissatut siunnersuut taamaalilluni kingumoortumik aningaasaliinertut isigineqassaaq. Aalajangiinerit 2022-p ingerlanerani aningaasaliissutininut allannguutissat pillugit Naalakkersuisut kiisalu Inatsisartut Aningaasaqarnermut Akileraartarnermullu Ataatsimiititaliaata aalajangiiffigisimasai ilassutitut aningaasaliissutininut inatsimmi aqqissuunneqarput. 2022-mut Ilassutissatut aningaasaliissutininut Inatsisissatut Siunnersuummut ilanngunneqarsimapput ilanngussaq 1 aningaasaliissutininik 2022-mi akuersissutigineqartunik takutitsisoq aamma ilanngussaq 2 2022-mi oqaasertaliussanut allannguutitut akuersissutigineqartunik takutitsisoq.

2022-mut Aningaasanut Inatsit aamma 2022-mut Ilassutissatut aningaasaliissutissanut Inatsisissatut Siunnersuut ukiumut aningaasanut inatsiseqarfiusumut 2022-mut aningaasaliissutaasunut tamarmiusunut takutitsiffiupput. Taakku aningaasaliissutaasut Nunatta Karsiata 2022-mut Naatsorsuutaanut tunngaviussapput. 2022-mut inaarutaasumik naatsorsuutit 2022-mut Nunatta Karsiata Naatsorsuutaaniissapput.

2022-mut Aningaasanut Inatsit IST-mut missingersuusiarineqarsimasoq 17,6 mio. kr.-nik sinneqartooruteqarfiussasoq aamma IS-imut missingersuusiarineqarsimasoq 7,6 mio. kr.-nik sinneqartooruteqarfiussasoq takutitsivoq.

2022-p ingerlanerani ilassutissatut aningaasaliissutit akuerineqarsimasut IST-mi inernernut missingersuutaasunut ataatsimut isigalugu 277,1 mio. kr.-nik ajorseriartitsipput. Ajorseriarneq ilaatigut ilassutissatut aningaasaliissutinik akuersissuteqarnermik malitseqarpoq:

- COVID-19-ip kinguneri pissutigalugit ikiorsiissutit
- Ruslandip Ukrainemut saassussinerata kingunerisaattut akit qaffannginnissaannik iliuserisassat
- Peqqinnissaqarfinnut immikkut ittumik ikiorsiissutissat
- Mittarfeqarfiit Nunatta Karsianit tiguisinnaanerata atorunnaarsinnera
- Namminersorlutik Oqartussat internetsikkut ajoqusersortinnerata kingunerisaattut aningaasartuutit.

Tamanna tunngavigalugu Ilassutitut aningaasaliissutinut Inatsisissatut Siunnersuummi takuneqarsinnaavoq ukiumi aningaasanut inatsiseqarfiusumi 2022-mi IST-mut missingersuusiarineqarsimasoq 259,4 mio. kr.-nik amigartooruteqarfiussasoq aamma IS-imut missingersuusiarineqarsimasoq 269,4 mio. kr.-nik amigartooruteqarfiussasoq.

Taamatut oqaaseqarlunga Naalakkersuisut 2022-mut Ilassutitut aningaasaliissutinut inatsimmut siunnersuutaat Inatsisartunut suliassanngortippara.